

## TT 9 Wij zoekt hier naor dien angezicht

1 Wij zoekt hier naor dien an - ge - zicht.  
God, hol dien oog toch op oes richt:  
Ky - ri - ë e - lei - son!

- 1 Wij zoekt hier naor dien angezicht.  
God, hol dien oog toch op oes richt: Kyrie eleison!
- 2 De vraogen nusselt in oes hart.  
God haalt het duuster oet de war: Kyrie eleison!
- 3 Ontvlam in oes en vuur oes an!  
Met treust van Dij kun wij verdan: Kyrie eleison!
- 4 Begrèens de èendeloze nacht  
van wel gien mörgen mèer verwacht: Kyrie eleison!
- 5 En as het duuster oes verrast,  
hol oes dan met dien goedheid vast: Kyrie eleison!
- 6 Het lied van wel oes veurgaon bint  
röp op dat wij vandage zingt: Kyrie eleison!

### Tied van Advent

- 7 Deurbreek de ban van wat wij mist  
met locht dat niet te doven is: Kyrie eleison!
- 8 God röp oes met een neie naam  
oet een bestaon zunder genaο: Kyrie eleison!
- 9 Kom bij oes in de mörgentied,  
Do, Zun die oes te wachten stiet: Kyrie eleison!

### Tied van kerst en epifanie

- 10 Teun oes dien Zeun as bron van licht,  
as weerschien van dien angezicht: Kyrie eleison!
- 11 Dat elkien die tot Hum wol gaon  
het gluun kan zien van dien genaο: Kyrie eleison!
- 12 Wij vraogt um vrede veur mekaor.  
God, maak um Hum oes bidden waor: Kyrie eleison!

### Vittigdagentied

- 13 Um alles wat Dij tegensprek,  
een wèrld waor dien Naom ontbrek: Kyrie eleison!
- 14 Dien Zeun hef iens het pad oes slicht.  
Wij volgt, oes oog strak op Hum richt: Kyrie eleison!

### Paoschen

- 15 God döt zien Woord in oes bestaon:  
wij bint met Christus op gaon staon! Amen. Halleluja!

16 God giet oes veur, is oes veuroet.  
De schepping zingt zien bliedschup oet: Amen. Halleluja!

17 Doe oeze nacht veur altied vort,  
zodat het nooit weer duuster wordt: Amen. Halleluja!

### **Pinksteren**

18 Win oeze harten veur dien Giest,  
deur Heur les God oes longern miest: Kyrie eleison!

19 En tieken oes met locht en vuur,  
met aosem veur de lange duur: Kyrie eleison!

20 As oeze lofzang iens verstomt  
leg God het lied oes in de mond: Kyrie eleison!

oorspr. tekst: S. de Vries  
melodie: B. Luard-Selby  
umzet deur: L. Everts/J. Katerberg